

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

V. Vtrum casuale homicidium inducat reatu[m] culpæ, vel irregularitatem;
item quibus & quosnam mutilare, aut incarcere liceat.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

etsi contrariū dixerint Antoninus & Couarruias.
Exemplum est, si fur eum equo tuo aufugiat.

82 Ratio est. Quia semper censetur durare iniusta aggressio; idque etiam extendunt Syluester, Lessius, & alij, ad eum casum, in quo quis, nulla mora interposita, rem suam vbiunque existentem persequitur. Secus si mora interposta fuerit, & aggressor iam pacificè agere cœperit. Quanquam nihilominus, si Index desit, possit spoliatus locum, in quo res deposita est, ingredi, eamque sibi vendicare, & si prohibeatur, vim vi repellere, cum Panormitanus & Sylvestro citatis, non improbabiliter existimat Lessius ibid.

83 **A S S E R T I O VII.** Licitum est etiam præuenire in iustum aggressorem, si & alia via commoda defensionis non suffpetat; & is iam actualiter in culpā, seu proposito aggressionis iniusta versetur: Secus si sit adhuc innocens. Ita post Antoninum, Caietanum, Sotum, Nauarrum, Couarruiam, doct. Valentia q. 17. pun. 1. Bannes hic q. 64. a. 7. Sa. v. *Homicidium, Ratio. Quia primo cauēt vera defensio, non item secundo.*

Sotus tamen & Lessius dub. 12. excipiunt Iudicem & testes mortem alicui per iniuriam machinantes in iudicio; quod de foro conscientiae loquendo, recte improbat Sa. Petrus Nauarrus, Bannes a. 7. dub. 4.

84 **A S S E R T I O VIII.** Hæc, quæ dicta sunt, procedunt etiam, licet in usus causam occasionemque dederit ad inuidendum; modo causa talis non fuerit, vt ob eam ipsam iuste inuidetur. Ita cum Sylvestro, Petrus Nauarrus n. 362. & alij, semper enim nihilominus seruat ius se defendendi; & quo ad inuidationem iniustum, est innocens. Secus istam dedisset causam, ob quam licet inuidetur.

85 Cæterum in his omnibus, intelligenda est moderatio superioris insinuata, licitam nimirum talem defensionem. Primo, si res qua defenditur, sit magni momenti, Secundo, si vis iniusta sit, nec alia ratione possit repelli; nec res ablata aliter recuperari. Tertio, intelligenda sunt per se; nam per accidentem fieri potest, vt quis teneat suam vitam, aut sa. tem bona postponere vita in usus. Quo modo autem regulariter non teneatur quis se ipsum vel proximum defendere, cum occidente alterius, licet in iusti aggressoris, dictum est disp. 2. q. 3. dub. 4. & consentit etiam Suarez tom. 4. disp. 46. sect. 3.

n. 2. Lessius c. 9. dub. 13. quicquid nonnulli dixerint.



D U B I U M V.

Vtrum casuale homicidium inducat reatum culpe, vel irregulatatem; item quibus, & quosnam, mulolare, verberare, aut incarcerare liceat.

s: Thomas 2. 2. q. 64. a. 8. & q. 65. a. 2. 4.

86 **Q** Veneritur primo Vtrum casuale occidens ho-

minem, incuriat homicidij reatum.

Respondet S. Thomas q. 64. a. 8. non incur-

rere, si casuale homicidium sit prorsus inuolunta-

rium; secus si sit voluntarium in sua causa: seu quia

dans operam rei etiam licet, debitam diligentiam

ad vitandum homicidium non adhibuit; vt si in-

venatione bombardæ incircumspecte explosit; seu

quia dedit operam rei illicitæ, vt si Clericus in bel-

lo, vel hastilio casu hominem occidit.

Quæ doctrina quoad priorem partem intelligitur ex tom. 2. D. 4. q. 9. dub. 1. Quoad secundam partem, loquendo de culpa in foro conscientiae, intelligitur si homicidium subsequens in ipso opere, tanquam in causa fuerit voluntarium; ita vt opus illud ea etiam ratione debuerit caueri, ne sequeretur homicidium, adeoque potuerit ipsum homicidium ex opere subsecuturum aliquo modo præuideri, vt doceo loc

cit, cum S. Thoma 1. 2. q. 83. a. 8. Alias peccatum erit quidem in ipso opere, quale fuisset, si ho-

mhicidium non fuisset fecutum, sed homicidij culpa

idcirco non contrahetur, vt ex communi recte docet Caietanus q. 64. a. 8. ex illo Augustini, afferentis

Loth in culpa fuisse, non quantum ille incestus, sed

quantum ebrietas præcedens meruit. De quo plu-

ribus actuum tom. 2. disp. 4. q. 3. dub. 3.

Sed speciatim dubitatur, an, & quomodo pro-

ppter homicidium, casuale præsumptim, incurritur.

irregularitas? Quod etsi quidem proprie ad ma-

teriam de censuris pertineat, breuiter tamen hoc

loco propter S. Thomam explicandum est.

As s e r t i o I. Per homicidium ad sui, vel proxi-

mi, vel suarum, aut proximi rerum defensionem,

cum moderatio inculpatæ tutelæ, licite patratu

non incurritur Irregularitas. Primum de sui defen-

sione docet omnes; & patet ex Clementina de ho-

mhicidio, etsi S. Thomas q. 64. a. 8. ad 3. iuris anti-

qui constitutioni inhærens, contrarium dixerit.

Posteriorem partem de defensione inculpatæ

vitæ proximi, itemque suarum, aut proximi

rerum, docent Petrus Nauarrus numero 417

Couarruias in cit. Clementin. part. 3. numero

vlt. Valentia q. 8. punct. 7. Suarez tom. 4. disp. 46.

sect. 2. n. 4. Lessius cap. 9. dub. 11. & alij: etsi

Bannes hic q. 64. a. 8. ac plerique Juristæ contra-

rium sentiant. Ratio est. Quia id nulquam iure ex-

pressum, vt videre est apud citatos. Et irregularitas,

quæ extra casum publicæ iustitiae ob homicidium

contrahitur, non nisi ob culpam contrahitur, vt

suo loco tom. 4. de Irregularit. pluribus dicetur.

As s e r t i o II. Si homicidiū aliquod sit merè ca-

suale, atq; adeo in ratione homicidij prorsus inuo-

lutiū, & sine peccato, nec ex opere ob periculū

homicidij specialiter prohibito consecutū, nulla

incur-

incurritur Irregularitas; etiamsi quis dando operam rei illicitae, homicidium tale commiserit. Ita communiter Theologi, Sotus lib. 5. de Iust. q. 1. a. 9. Bartholomaeus Medina 1. 2. q. 73. a. 8. Castro lib. 2. de leg. poen. cap. 14. Aragonius & Bannes hic q. 64. a. 8. Valentia hic loc. cit. & tom. 2. disp. 6. q. 3. pun. 3. & tom. 4. disp. 7. q. 19. Sa. V. Homicidium, Suarez 3. p. tom. 5. disp. 45. sect. 6. a. num. 9. & ex Canonistis Couarruuias cit. part. 2. §. 4. n. 9. & 10. & fauet S. Thomas 1. 2. q. 73. a. 8. vbiait; quod propter negligentiam considerandi imputantur homini ad paenam documenta, quæ sequuntur, si dabit operam rei illicitæ.

90 Etsi contrarium sentiant Syluester, Nauarrus, & communiter Canonistæ; quos etiam sequuntur Caetanus hic a. 8. Conradus 1. 2. loc. cit. Toletus lib. 1. cap. 29. Felicianus de Irregularitate, & alij, qui docent, per quodcumque casuale homicidium incurri Irregularitatem, si quis dando operam rei illicitæ id perpetrauit.

Sed sanè allegata ab eis iura plus non probant, quam censendos irregulares, qui exercendo opera non solum illicita, sed etiam in se periculosa (in quibus nulla, quasi diligentia sufficiens adhiberi potest ad vitandum homicidium) quempiam deformant, vt notat Valentia. In quam sententiam etiam Suarez tom. 5. disp. 45. sect. 6. num. 9. ait, per homicidium omnino casuale, ex opere illicito secutum, non contra irregularitatem, nisi in casibus à iure expressis. Censetur enim, inquit, casus sufficienter expressus, quando actio est specialiter prohibita, propter periculum homicidij; non vero alias. Casus habentur cap. vlt. de homicidio in 6. & cap. Tuas, de homicidio. Idem docui tom. 2. disp. 4. q. 3. dub. 3.

91 ASSESSIO III. Nec incurritur in foro conscientiæ, etiamsi venialiter in huiusmodi homicidio casuali peccetur; ob leuem videlicet negligentiam, in eo vitando commissam. Ita Sotus, Valentia, Sa., Bannes citati, Henriquez lib. 14. cap. 3. n. 1. Nauarrus n. 249. contra Caetanum, & alios; est enim hæc irregularitas grauis pena, quæ proinde proportionatam culpam requirit.

92 ASSESSIO IV. Incurrit irregularitatem, non solum qui ex proposito, & de industria homicidiū iniustum perpetravit, sed etiam qui se defendendo, aut exercendo rem per se periculosam, aut aliter occidendo, mortale homicidij peccatum commisit, propter crassam & latam negligentiam, vel imprudentiam, seu inobedientiam; etiamsi directe non intendenter homicidium. Ita Valentia tom. 4. cit. loco; Toletus cap. 29. Sa., & alij, ex communis; quod etiam maxima probant iura superius adducta.

Immò in foro externo, & probabiliter etiam in foro conscientiæ, quoties quis operam dando rei, ob periculum homicidij peculiariter prohibitæ, homicidium committit, semper irregularis censabitur, vt superius insinuauimus, & dictum, cit. tom. 2. loc. cit. ob constitutionem iuris positivi. Addit Sa., dum multi iacint lapides, nec constat, quis eorum occiderit, nullum esse censendum irregularē; licet Syluester V. Homicidium,

contrarium significet, quasi omnes sint irregularē; quod non probatur.

ASSESSIO V. Illicite procurantes abortum etiam inanimati foetus, grauiter quidem irregularē, & excommunicati, excommunicatione soli Papæ referuata, fuerū declarati à Sixto V. in propria bulla: sed eum rigorem Gregorius XIV. in quadam bulla temperauit, & ad antiquos terminos reduxit; ita vt nec irregularitas, nec ex communicatione incurrit à procurantibus abortum, nisi foetus fuerit animatus; & vt etiam tunc cuique approbat confessatio liceat ab ea excommunicatione & peccato, in foro Conscientiæ absoluere, vt notat Sa. V. Homicidium, Henriquez lib. 14. cap. 35. num. 3. Suarez disp. 44. sect. 2. n. 13.

ASSESSIO VI. In casuali homicidio, & eo quod commissum est in sui defensione immoderata, dispensat Episcopus: in homicidio autem iniuste & directe volito, quod absolue voluntarium, dicitur, dispensat solus Pontifex; & nec ipse fecerit, si manifestum sit crimen. Ita ex Concilio Tridentino ses. 14. c. 7. Nauarrus cap. 27. n. 239. Valentia, Sa. citati, Henriquez lib. 14. cap. 19. n. 2. & 3. eti neget de Episcopo Couarruuias cit. §. 3. n. 5. qui tamen malè n. 7. docet, eundem qui in casuali homicidio dispensare potest, posse etiam in deformatione liceat facta à ministris iustitiae. Quod à solo Couarruui contra communem dictum, notat Henriquez loc. cit. Sed de hac re plura tomo 4. in materia poenit. de Censuris. Sicut & de irregularitate, quæ in bello à militibus incurritur, actum est disp. 2. quæst. 6. dub. 6.

Quæritur secundò; An, quibus, & quos mutilare, aut verberare liceat: reuocantur enim etiam hæc actus ad homicidium, tanquam actus imperfeci ad perfectum.

Respondetur; mutilare ijs, & ijsdem de causis licet, quibus & ob quas licet occidere: an vero ob alias plures causas liceat, inferioris dicetur n. 99. Verberare autem moderatè, non solum emendationis, sed etiam punitionis causa, possunt iuxta S. Thomam q. 65. a. 2. quicunque Superioris suos subditos, vt parentes liberos, Magistri discipulos, etiam Clericos vel monachos; & vir vxorem, ex graui causa. De quo videri potest Gerson part. 4. ferm. intra octau. Epiphanius pag. 357. edit. recent. Item Domini & pedagogi per se, vel per alium; nisi forte id speciatim alicui à Superiore sit prohibitum: Item Prælati Religiosorum per se, vel per alium regularem, aut secularium Clericum; sed non per laicum, nisi incorrigibilem: Episcoporum vero suis manibus verberare non licet, ex cap. Non licet, dist. 6. 8. De percussione vero iniuria Clericis, & excommunicatione agitur tom. 4. de Excoriacione.

Irregularitatis autem, quæ ex mutilatione, incurritur, eadem est ratio, quæ ex homicidio ortæ; nisi quod de resumptione dispensationis dictum, vt declarat Congregatio Cardinalium super Tridentinum, & recte docet Suarez tom. 5. disp. 44. sect. 2. n. 4. quicquid Felicianus cap. 3. & Henriquez cap. 5. n. 3. de irregularitate, dixerint.

Tantum nota, membrum non censi, nisi in corporis partem, per quam proprium aliquod in corpore.

corpo officium exercetur, ex 1. Corinth. 12. & ad Rom. 12. Vnde digitus membrum non est, vt docent Nauarrus cap. 7. n. 206. Couartuuias citatus, Salon hic q. 65. a. 1. Sa V. Irregularitas, Henriquez cap. 14. §. 8. n. 1. et si contrarium sentiat Sotus lib. 5. de iustitia q. 2. a. 1. Caietanus hic, Toletus lib. 1. cap. 25. & alii. Quanquam interim sibi ipsi vel partem digitum, seu membra temere abscondens, irregularis est, ex cap. Qui partem, dist. 15.

Quod si etiam alteri praecipua pars membra ita abscondatur, vt officium membra impediatur, non euadetur irregularitas, vt si cui priores digiti manus amputentur. In quem sensum accipi possunt, qua hac de re disputat Suarez citatus, qui tamen potius absolutè in contraria sententiam ire videtur: de qua re plura de Irregularitate.

Dubium est, an & quomodo se vel alium liceat mutilare, amputatis membris, eo casu, quo occidere non licet.

A S S E R T I O I. Ob tuendam vitam corporis, licitum est, putrefacere, aut venenatum membrum abscondere. Ita cum S. Thoma cit. q. 65. a. 1. docent omnes, quia partis nocivæ integritas merito postponitur saluti totius corporis, ad quam partes ordinantur: licet ad hoc ordinariè nemo teneatur, ob difficultatem eius medijs. Addit Salon, ne à superioribus quidem ad hoc cogi posse Religiosum; nisi forte in aliquo casu extraordinario, ob bonum commune, vt bene Lessius cap. 9. dub. 14. et si non improbabiliter Lopez 1. part. cap. 16. cum Soto dicat, religiosum ad hoc cogi posse à Prælato, etiam pro conseruanda solum vita.

A S S E R T I O I I. Probabiliter quoque licet ligato, propriam manum vel pedem, et si sanum, abscondere, vt per fugam imminentem mortem euadat. Ita Sotus, Toletus lib. 5. cap. 6. Salon, Bannes, Aragonius cit. a. 1. Valentia q. 9. pun. 1. licet aliqui negent. Imo probabiliter etiam non ligato, si alter violenter mortem minitetur, nisi id facias: sicut etiam eruere unum oculum, ne tibi alter duos eruat, vt docet Toletus citatus, & sequitur Lessius dub. 14. licet Sotus, Bannes, Aragonius & Salon negent. Certè quidem si illud licet, cur hæc non etiam licita sint, non video; vt etiam recte dixit Sa V. Homicidium. Ratio generalis est. Quia homini, vt custodi & gubernatori suorum membrorum, licet de ijs disponere, prout ratio & salus totius, ad quod ordinantur, postulant.

A S S E R T I O I I I. Non desunt quidem (in quibus Salon) qui licere putent Parentibus, filios suos voce cantuque Ecclesia seruituros, & in id libere consentientes, intuitu boni publici castigare. Sed contrarium videtur verius; non solum ob varia animæ pericula & incommoda, quæ hinc consequi solent; sed etiam quia bonum illud tanti momenti non est, vt ob id res tam per se à natura aliena suscipiantur: quando nec pro salute spirituali, aut periculo animæ vitando, id licitum esse, constabili infra ex sacris canonibus; quia tamen causa alioquin multo maioris momenti videri possit. Hoc certum, repugnantes liberos ad hoc cogi non posse; cum libera illis manere debeat, quoad vitæ statum, elecio, vt etiam agnoscit Salon.

A S S E R T I O I V. Ob seruandam castitatem,

vitandum scandalum, aut alias eiusmodi causas, hoc licitum non est; alia enim sunt huic rei media. Nec illud Christi: Absconde manus &c. ad litteram intelligendum; quicquid olim Origenes, & quidam eum secuti dixerint, fecerint contra Apostolicos canones can. 2. & Concilium Nicænum can. 2. & Arelatense II. can. 3. De quo vide dist. 25. cap. Si quis abscederit, & sequentibus. Adeo, quod medium illud non tam ardorem libidinis, quam generationem impedit, vt notant Augustinus lib. 6. contra Julianum cap. 5. Basilius lib. de Virgin. circa finem Chrysostomus homil. 23. in Matth. Plura apud Baronium Anno 208.

Quæritur tertio, cui & quosnam incarcere li-
ceat. Respondet S. Thomas q. 65. a. 3. cum in bo-
nis corporis tria spectari possint; 1. ipsa corporis
integritas & incolmitas, cui detrimentum affe-
tur per occisionem, vel mutilationem. 2. delecta-
tio vel quies sensus, cui opponitur verberatio, vel
quolibet aliud sensum dolore afficiens. 3. motus
& usus membrorum, qui impeditur per ligatio-
nem, vel incarcerationem, seu quamecumque de-
tentio: idcirco in carcere aliquem, vel qua-
litercumque derinere esse illicitum; nisi fiat secun-
dum ordinem iustitiae, aut in poenam, aut ad caute-
lam aliquius mali vitandi.

Et ibidem ad 3. ait: detinere hominem ad horam,
ab aliquo opere illico (sibi scilicet, aut alijs pernicio-
so ac iniurioso) statim perpetrando, cuiuslibet liceat; sic-
ut cum aliquis detinet aliquem, ne se præcipitet, vel ne
alium feriat. Sed simpliciter aliquem includere vel li-
gare, ad eum solum pertinet, qui habet disponere univer-
saliter de actibus & vita alterius: quia per hoc impeditur
non solum à malis faciendis, sed etiam à bonis agendis.
Vbi notandum, ius carceris proprie non competere
nisi Magistrati iurisdictionem habenti; etiam si is
non semper habeat ius gladij. Detinere autem eum,
qui grauius & inique læsit, ad tempus, mox magi-
strati tradendum, etiam alijs licet.

Addit denique S. Thomas eadem quest. 65. art.
4. has omnes iniurias, quæ corpori inferuntur, tan-
to grauiores esse, quanto propinquioribus inferun-
tur; vt pote quibus ex pietate magis obstringimur;
quamvis interim iniuria viduis & pupillis illata in
scriptura magis exaggerari solent, tum quia magis
opponuntur misericordia; tum quia idem nocu-
mentum huiusmodi personis inflatum, est eis gra-
uius, quia non habent relevantem.

Sicut etiam vniuersum ob circumstantias fieri
potest, vt sit grauius peccatum, quod fit contra per-
sonam nulli coniunctam; sive propter dignitatem
personæ, sive ob magnitudinem noctimenti. Et
quamvis etiam per adulterium & stuprum iniuste
violetur corpus alterius; quia tamen ea non solum
iustitiae, sed etiam castitati opponuntur, merito ad
tractationem de Temperantia reiiciuntur, vt no-
tauit S. Thomas ibidem ad 3. de quibus pro-

inde etiam à nobis actum disp. 3.
q. 3. dub. 6.